

血證論卷七

四川彭縣唐宗海容川氏著

仲景瀉心湯

大黃

黃連三錢

黃芩四錢

心爲君火。化生血液。是血卽火之魄。火卽血之魂。火升故血升。火降卽血降也。知血生於心。火主於心。則知瀉心卽是瀉火。瀉火卽是止血。得大黃一味。逆折而下。兼能破瘀逐陳。使不爲患。此味今人多不敢用。不知氣逆血升。得此猛降之藥。以損陽和陰。眞聖藥也。且非徒下胃中之氣而已。卽經脈肌膚。凡屬氣逆於血分之中者。大黃之性。亦無不達。蓋其氣最盛。凡人身氣血凝聚。彼皆能以其藥氣克而治之。使氣之逆者。不敢不順。今人不敢用。往往留邪爲患。惜哉。方名瀉心。乃仲景探源之治。能從此悟得血生於心。心卽是火之義。於血證思過半矣。

十灰散

大薊

小薊

茅根

櫻皮

側柏

大黃

丹皮

荷葉

茜草

槐子各等分

右藥燒存性爲末。鋪地出火氣。童便酒水隨引。黑爲水之色。紅見黑卽止。水勝火之義也。故燒灰取黑。得力全在山梔之清。大黃之降。火清氣降。而血自寧。餘藥皆行血之品。祇借以爲嚮導耳。吹鼻止衄。刃傷止血。皆可用之。

獨參湯

人參二兩

濃煎細咽熟睡。取養胃之陰。安護其氣。氣不脫則血不奔矣。世以人參補氣。便認爲陽藥。不知人參柔潤甘寒。乃滋養中宮津液之藥。人之真氣生於腎中。全賴水陰含之。出納於肺。又賴水津以濡之。故腎中水陰足則氣足。而呼吸細。肺中之水津足則氣足。而喘息平。人參滋補中宮之津液。上布於肺。下輸於腎。故肺腎之氣得所補益。世人不知氣爲水之所化。而以氣屬陽。妄指參爲陽藥。幸陳脩園力辨其誣。然脩園謂壯火食氣。參瀉壯火。故補氣。其說猶有隔膜。尙未識氣卽是水之理。吾於總論言之甚詳。須知氣卽是水。而人參之真面乃見。

甘草乾薑湯

甘草二錢

乾薑一錢

味五子一錢

甘草炙過純於補中乾薑變黑兼能止血二藥辛甘合化扶陽氣以四達血自運行而不治矣惟五味收斂肺氣使不上逆以止氣者止血凡陽虛脾不攝血者應手取效但血係陰汁虧血即是虧陰剛燥之劑往往忌用必審其脉證果係虛寒者始可投此方

四物湯

當歸四錢

生地四錢

川芎二錢

白芍三錢

柯韻伯曰心主血肝藏血故凡生血者則究之於心調血者當求之於肝也是方乃肝經調血之專劑非心經生血之主方也當歸和血川芎活血芍藥斂血地黃補血四物具生長收藏之用故能使榮氣安行經達若血虛加參耆血結加桃仁紅花血閉加大黃芒硝血寒加桂附血熱加芩連欲行血去芍欲止血去芎隨宜加減則不拘於四物矣如遇血崩血暈等證四物不能驟補而反助其滑脫又當補氣生血助陽生陰長之理蓋此方能補有形之血於平時不能生無形之血於倉卒能調陰中之血而不能培真陰之本韻伯此論雖有不足於四物然謂四物爲肝經調血之專劑則深知四物之長者矣蓋肝主藏血衝任血海均屬於肝故

調血者。舍四物不能爲功。

白虎湯

石膏一兩

知母五錢

甘草二錢

粳米一握

四藥甘寒。生胃陰。清胃火。陽明燥熱得此。如金甕夕起。暑酷全消。故以秋金白虎名湯。乃仲景傷寒陽明之止方。借治血症。脉洪大發熱口渴者尤有捷效。

佛手散即歸芎湯

當歸五錢

川芎三錢

水各半煎服。辛以行氣。溫以行血。有汁能生血。二味爲活血行血之要藥。

蒲黃三錢

五靈脂五錢

蒲生行中。花香行水。水卽氣也。水行則氣行。氣止則血止。故蒲黃能止刀傷之血。靈脂氣味溫行以行血。二者合用大能行血也。

大柴胡湯

柴胡三錢

半夏三錢

白芍三錢

黃芩三錢

枳殼二錢

大黃 三錢

生薑 三錢

大棗 三枚

黃芩一味。清表裏之火。姜棗柴胡。使邪從表解。半夏白芍枳殼。大黃。使邪從裏解。乃表裏兩解之劑。而用裏藥較多。後之雙解散。通聖散。皆從此套出。借治血症。或加表藥。或加血藥。可以隨宜致用。

逍遙散 加丹梔 各母加 逍遙散

柴胡 三錢

當歸 四錢

白芍 三錢

白朮 三錢

雲苓 三錢

甘草 錢半

薄荷 一錢

煨薑 三錢

丹皮 三錢

梔子 二錢

此治肝經血虛。火旺鬱鬱不樂。方用白朮茯苓。助土德以升木。當歸白芍。益榮血以養肝。薄荷解熱。甘草緩中。柴薑升發。木鬱則達之。遂其曲直之性。故名之曰逍遙。如火甚血不和者。加丹皮山梔。清理心包。心包主火。與血為肝之子。為火之母。治心包之血。即是治肝之血。瀉心包之火。即是瀉肝之火。以子母同氣故也。

當歸 蘆薈湯

當歸 一兩

胆草 一兩

蘆薈 五錢

青黛 五錢

梔子 一兩

黃連 一兩

黃柏 一兩

黃芩 一兩

大黃 五錢

木香 二錢半

射香五分

舊用神曲糊丸。姜湯送下。借治血病。用酒丸。竟便下。尤佳。人身惟肝火最橫。每挾諸經之火。相持爲害。方用青黛蘆薈胆草。直折本經之火。苓連梔柏大黃。分瀉各經之火。火盛則氣實。故以二香以行氣。火盛則血虛。故君當歸以補血。治肝火決裂者。惟此方最有力量。莫嫌其多瀉少補也。

地黃湯

熟地一兩

山藥五錢

山黃肉五錢

茯苓三錢

丹皮三錢

澤瀉三錢

陳脩園謂。人之既生以後。天生先天。全賴中宮輸精及腎。而後腎得補益。謂此方非補腎正藥。然腎經火虛火旺者。實不可離方。取熟地以滋腎水。而又恐肝木蓄水之氣。故用山黃以養肝之陰。補子正以實母也。再用山藥補脾土。啓水津以給腎。用丹皮清心胞。瀉火邪以安腎。庶幾腎中之水。得以充足。特慮有形之水。實不化。則無形之水。津亦不能生。尤妙茯苓澤瀉。化氣利水。以瀉爲補。雖非生水之正藥。而實滋水之要藥。

花蕊石散

花蕊石 煅爲末。每服三錢。

男用酒水調。女用醋水服。瘀血化水而下。按此藥獨得一氣之偏。神而化血。他藥行血皆能傷氣。此獨能使血自化。而氣不傷。真去瘀妙品。

柏葉湯

剛柏葉三錢

炮薑錢半

艾葉三錢

馬通二兩

熱氣藏伏於陰分。逼血妄行不止。用薑艾宣發其熱。使行陽分。則陰分之血無所逼而守其經矣。柏葉屬金。抑之使降。馬爲火畜。同氣相求。導之使下。則餘燼之瘀。一戩燭去。此爲熱伏陰分從治之法。乃久吐不止。一切寒溫瀉瀉藥。幾用盡。因變一法。以從治之。凡遇熱症用之。須慎。若係寒凝血滯者。則無不宜。馬通汁。卽馬糞泡。水無馬通。以童便代之。

人參瀉肺湯

人參三錢

黃芩三錢

梔子三錢

枳殼二錢

甘草一錢

連翹一錢

杏仁三錢

桔梗二錢

桑皮三錢

大黃酒炒

薄荷一錢

葶藶大棗瀉肺湯。是瀉肺中之水。此方是瀉肺中之火。肺體屬金。不自生火。皆由心火尅之。胃火薰之也。故用梔子連翹以瀉心火。黃芩大黃以瀉胃火。肺爲火鬱。則皮毛灑淅。用薄荷以發之。肺金不清。則水道不調。用桑皮以泄之。火盛卽是氣盛。用枳桔杏仁以利之。而人參甘草又補土生金。以主持之。補瀉兼行。調停盡善。實從葶藶大棗湯套出。變瀉水爲瀉火之法。凡上焦血滯痰凝。因火所致者。均可隨證加減。

甲已化土湯

白芍五錢

甘草三錢

楊西山失血大法。以此爲主方。而亟贊其妙。其實芍藥入肝。歸芎桃仁。善去舊血。以生新血。佐黑薑炙草。引三味入於肺肝。生血利氣。爲產後之聖藥。各書多改炙草爲益母草。不知益母乃涼血利水之藥。此方取其化血。卽能生血。如益母草爲有生血之功。與方名相左。吾以爲治紅痢尿血。或可用之。若此方斷不可用。

牛膝散

牛膝三錢

川芎三錢

蒲黃三錢

丹皮三錢

桂心三錢

當歸四錢

當歸川芎蒲黃丹皮四藥和血。桂枝辛溫以行之。牛膝下走以引之。用治下焦瘀血。溫通經脈。無不應驗。方義亦淺而易見。

桃仁承氣湯

桃仁五錢

大黃二錢

芒硝三錢

桂枝二錢

桂枝稟肝經木火之氣。肝氣亢者。見之即熾。肝氣結者。遇之即行。故血證有宜有忌。此方取其辛散。合硝黃桃仁。直入下焦。破利結血。瘀血去路。不外二便。硝黃引從大便出。而桂枝兼化小水。此又是一層竅囊。

小調經湯

當歸三錢

赤芍三錢

沒藥二錢

琥珀二錢

桂枝二錢

細辛五分

麝香少許

當歸補血。赤芍行血。樹脂似人之血。沒藥爲樹脂所結。故能治結血。琥珀乃樹脂所化。故能化死血。四藥專治瘀血。亦云備矣。而又恐不能內行外達也。故領以辛

血證論卷十
桂射香。使葯性無所不到。而內外上下。自無伏留之瘀血。所以不循經常者。多是瘀血阻滯。去瘀卽是調經。

小柴胡湯

柴胡

八錢

黃芩 三錢

半夏 三錢

大棗 三枚

人參 二錢

甘草

一錢

生薑 二錢

此方乃達表和裏。升清降濁之活劑。入身之表。腠理實營衛之樞機。人身之裏。三焦實臟腑之總管。惟少陽內主三焦。外主腠理。論少陽之體。則爲相火之氣。根於膽腑。論少陽之用。則爲清陽之氣。寄在胃中。方取參、棗、甘草。以培養其胃。而用黃芩、半夏。降其濁火。柴胡。生薑。升其清陽。是以其氣和暢。而腠理三焦。固不調治。其有太陽之氣。陷於胸前。而不出者。亦用此方。以能清裏和。中升達其氣。則氣不結。而外解矣。有肺經鬱火。大小便不利。亦用此者。以其宣通上焦。則津液不結。自能下行。肝經鬱火。而亦用此。以能引肝氣使之上達。則木不鬱。且其中兼有清降之品。故餘火自除矣。其治熱入血室諸病。則尤有深義。人身之血。乃中焦安氣。取汁變化而赤。卽隨陽明所屬。衝任兩脉以下。藏於肝。此方非肝膽臟腑中之藥。乃從

胃中清達肝膽之氣者也。胃為生血之主。治胃中是治血海之上原。血為肝之所司。肝氣既得清達。則血分之鬱自解。是正治法。即是隔治法。其靈妙有如此者。

犀角地黃湯

犀角 錢半

生地 五錢

白芍 三錢

丹皮 三錢

犀牛土屬而秉水精。地黃土色而含水質。二物皆得水土之氣。能滋胃陰清胃火。乃治胃經血熱之正藥。然君火之主在心。故用丹皮以清心。相火所寄在肝。故用白芍以平肝。使君相二火不妄集於胃。則胃自清而血安。

甘露飲

天門冬 三錢

麥門冬 三錢

生地黃 三錢

熟地黃 三錢

黃芩 三錢

枳殼 一錢

石斛 三錢

茵陳 三錢

甘草 一錢

枇杷葉

二片
去毛

陳脩園曰。胃為燥土。喜潤而惡燥。喜降而惡升。故用二地二冬。石斛甘草。潤以補之。枇杷枳殼。降以順之。若用連蘗之苦。則增其燥。若用薔朮之補。則慮其升。即有濕熱。用一味黃芩以折之。一味茵陳以滲之足矣。蓋以陽明之治。重在養津液。方中地冬等藥。即猪苓湯。用阿膠以育陰。益也。茵陳薔朮。即猪苓湯。用滑澤以除垢。

意也。

清燥救肺湯

人參一錢

甘草一錢

芝蔴一錢

石膏二錢

阿膠一錢

杏仁

一錢 去皮尖

麥冬二錢

枇杷葉三錢 一片

桑葉三錢

喻嘉言曰。諸氣臞鬱之屬於肺者。屬於肺之燥也。而古今治氣鬱之方。用辛香行氣。絕無一方治肺之燥者。諸嘔喘痿之屬於上。亦屬於肺之燥也。而古今治法。以痿嘔屬胃經。以喘屬肺。是則嘔與痿屬之中下。而惟喘屬上矣。所以亦無一方。及於肺之燥也。即喘之屬於肺者。非行氣。即泄氣。間有一二用潤劑。又不得肯綮。今擬此方。名清燥救肺。大約以胃為主。胃上為肺金之母也。其天冬知母能清金滋水。以苦寒而不用至苦寒降火之藥。尤在所忌。蓋肺金自至於燥。所存陰氣不過一線。倘更以苦寒下其氣。傷其胃。尙有生理乎。誠仿此增損。以救肺燥。變生諸證。庶克有濟。

保和湯

甘草二錢

阿膠三錢

百合三錢

知母三錢

貝母三錢

五味子一錢

天冬三錢

麥冬三錢

桔梗三錢

薄荷一錢

飴糖三錢

薏苡仁三錢

馬兜鈴二錢

肺經之津足則痰火不生而氣冲和若津不足則痰凝火鬱痿欬交作而氣失其和矣方用飴糖甘草阿膠補胃以滋肺津復加清火祛痰欬浮解鬱之品凡以保護肺金使不失其和而已葛可久此方雖不及救肺湯之清純然彼以滋乾為主此以清火降痰為主各之用意不同無相詆訾

麥門冬湯

麥冬二兩

半夏六錢

人參四錢

甘草四錢

粳米一盞

大棗十二枚

參米甘棗四味大建中氣大生津液胃津上輸於肺肺清而火自平肺調而氣自順然未逆未上之火氣此固足以安之而已逆已上之火氣又不可任其遲留也故君麥冬以清火佐半夏以利氣火氣降則津液愈生津液生而火氣自降又并行而不悖也用治燥痰欬嗽最爲對症以其潤利肺胃故亦治隔食又有衝氣上逆挾痰血而干肺者皆能治之蓋衝脈起於胞中下通肝腎實則麗於陽明以輸

陽明之血下入胞中。陽明之氣順則衝氣亦順。胞中之血與水皆返其宅而不上逆矣。此方與小柴胡合看更明。小柴胡是從胃中引衝氣上行。使火不下鬱之法。此方是從胃中降衝氣下行。使火不上干之法。或又梗米如蜜更滋潤。

四磨湯

人參

烏藥

枳殼

沉香

等分磨水煎服。治上氣喘急。取人參滋肺以補氣之母。取沉香入腎以納氣之根。而後以枳殼烏藥從而治之。瀉實補虛。洵爲調納逆氣之妙法。蓋肺爲陽而所以納氣下行者。全賴陰津。故用人參以生津。腎爲陰而所以化氣上行者。全賴真陽。故用沉香以固陽。爲其沈水故能直納水中之陽也。

桂苓五味甘草湯

桂枝尖三錢

雲茯苓四錢

炙甘草二錢

五味子一錢

此治腎中水氣騰溢。陰火上衝。面赤咽痛。欬逆諸病。桂苓抑水下行。水行即是氣行。然逆氣非歛不降。故以五味之酸歛其氣。土厚則陰火自伏。故以甘草之甘補其中也。

蘇子降氣湯

蘇子三錢

半夏二錢

當歸三錢

陳皮二錢

前胡二錢

厚樸一錢

沉香一錢

甘草一錢

生薑三片

氣卽水也。水凝則爲痰。水泛則爲飲。痰飲留滯則氣阻。而爲喘欬。蘇子生薑半夏。前胡陳皮。宣除痰飲。痰飲去而氣自順矣。然氣以血爲家。喘則流蕩而忘返。故用當歸以補血。喘則氣急。故用甘草以緩其急。出氣者肺也。納氣者腎也。故用沉香之納氣入腎。或肉桂之引火歸元爲引導。

腎氣丸

熟地黃八錢

山萸肉四錢

山藥四錢

雲茯苓四錢

澤瀉四錢

牡丹皮五錢

川附片三錢

肉桂二錢

腎爲水藏。而其中一點真陽。便是呼吸之母。水足陽秘。則呼吸細而津液調。如真陽不秘。水泛火逆。則用苓澤以行水飲。用地萸以滋水陰。用淮葯入脾。以輸水於腎。用丹皮入心。以清火安腎。得六味以滋腎而腎水足矣。然水中一點真陽。又恐其不能生化也。故用附子肉桂以補之。若加牛膝。便具引火歸元之功。若加知柏。

又治上熱下寒之法。如去桂附。加麥冬五味。則純於滋陰。兼治肺金。
辛字潤肺膏

羊肺一具洗

杏仁四錢

柿霜五錢

真酥五錢

真粉三錢

白蜜五錢

爲末。攪勻入肺中。炖熟食。真粉。卽上白花粉。真酥。卽上色羊乳。如無以黑芝麻搗爛代之。方取肺與肺同氣。而用諸潤藥。以滋補之。義最淺而易見。然方極有力可用。

瓊玉膏

生地一斤汁

白蜜一斤

人參八兩

雲苓十二兩

生地汁合白蜜入磁瓶內。雲苓人參爲末。和勻放水中。煮三晝夜。懸井中一晝夜。取起。仍煮半日。白湯化服。爲潤利肺經之妙劑。

生脉散

人參三錢

麥門冬三錢

五味子七粒

人參生肺津。麥冬清肺火。五味歛肺氣。合之酸甘化陰。以清潤肺金。是清燥救肺。